



Election Commission-i linük tesem
ajaklen SIR mapatong benoktsü

María Corina Machado nem
Nobel Peace Prize agütsür



Nagaland nung Oct 14 nungi pen down strike tenzüksü
Dimapur, October 10, 2025 (TYO): Nagaland nung sorkar department balala nung inyakertemi October 14 nungi pen-down strike tenzüksü.

Joint Coordination Committee (JCC)-i October 9 nü iba atema tetuyubatem agütsüogo. Lungkak aitba mapang emergency aser healthcare operations nungbo timtem magütsütsü. Maneni power supply maintenance, water distribution, road repairs, sanitation services, medical personnel aser law enforcement agencies nung inyakertembo akhi ama mapa inyaktsü.

Joint Coordination Committee nung dena aliba service associations ajak dang iba sentong tiptema agitettsü atema tetuyuba agütsüogo. JCC nung densema aliba

Nagaland School Teachers Association-ia tetuyubatem agizükogo aser parnoki shilem agitsü osang metetdaksüogo.

JCC-isa affiliated service associations ajak dang pen-down strike nung shilem agitsü nenshiogo.

Iba strike den sendaktepa maliba non-governmental agencies-i tetuyubatem magizüker ta sangdongba ajanga terata adokdaksür saka iba sentong ya coordinating bodies den sendaktepa alirtem atema dang lir ta JCC-isa jangjashitsüogo.

Sorkar mapa inyakertemi strict attendance protocols alitsü aser department tekolaktemi strike nung shilem agirtem tenüng tejangja bendentsü atema JCC-isa tetuyuba agütsüogo.

NPF-i Special Prayer Programme agi

Dimapur, October 10, 2025 (TYO): Naga People's Front (NPF) aser NDPP lokteptsü asoshi mapa inyakba nung temoatsü alitsü atema NPF Central Office nung Special Prayer Programme ka agiogo. Nübertem sarasadem ajanga NPF aser NDPP lokteptsüba ya asangsang nung ataloktsüsa mapang arudar ta MLA aser Leader of the NPF Legislature Party Kuzholuzo (Azo) Nienu-i ashi.

"Nisung aikati NPF ta tashimait aser teküpokba jenjang nung lir ta bilem saka tashi angutsü. Züngsem ajaki ochishia alitsü aser külem purtem aser party den tasü itta noktaksü ayongzüker. Nisung ajaki ajemalua alitsü aser party ana lokteptsüba anogo atema sarasademdi" ta Azo-i ashi.

NPF President Apong Pongener-ia o jembidang Special Prayer Programme ayongertem nem tenüngsang agütsü.

NPF party tenzükertem bilemteter aser parnoki tayongzükbajenti ajuruaka party inloka aotsü atema tamendakdak

takang yutsüogo. Tanü lennirtemi tesüiba lennirtem senmang dak rangloker inyakshitsüla aser telongjem nung tejakleni aotsüla ta pai ashi. "Asenoki party atema dang masü saka Naga nunger ajak asoshi sarasademdi. Asenok ka küma loktepba anogo atema sarasademdi" ta Apong-isa ayongzüker.

"Regional party ana lokteptsü mapang tonga arur. NPF-i timtem aser tayongzükbajenti ajangshia aruogo saka tamang aser aremzükbajenti ajanga asenok noktaka lir" ta NPF Central Women Wing Advisor Sano Vamuzo-i ashi.

"Tanü Naga nunger tsüngda telemsa adoka lir anungji telongjem aser tanüla tsütsü asentenshi nüngdaker. Iba sarasadem sentong ya mapang shitak ka nung agir aser züngsem ajaki Tsüngrem shisatsü meshitsü, party atema Pa nükjidong angatetsü aser Tsüngrem o NPF tenzükba tangatetbatem nungi mepilatsüla" ta Sano-isa ashi.

Nobel laureate Machado-i Trump nem tetushi agütsü

New Delhi, October 10, 2025 (Agencies): Venezuela nung opposition leader Maria Corina Machado-i tanü Hokolbarnü Nobel Peace Prize agizükogo aser lai US President Donald Trump nem tenüngsang agütsü. Trump-i Nobel peace prize angutsü atema jembia arua liasü aser tanü Maria Corina-i social media posts ana nung Trump tenüng tetshiogo. Laisa US aser Venezuela tsüngda tesentaktep atema tenüngsang agütsü.

Venezuela okadaki Machado ya president atema tokteptsü noktanga liasü. President Nicolas

Maduro-i yaküm elections nung takok anguba sülen Machado linük nung mimshia dang alir.

Venezuela-i nüjiso aser democracy angutsü atema President Donald Trump aser US dak rangloker ta tanü Machado-i ashi.

Machado-i anibelem arema Venezuela nunger asoshi temeten bushiba aser dictatorship nungi democracy timi melenzüksü atema inyakba ajiteta la nem iba sempet agütsür ta Nobel Committee-i metetdaksü.

Machado-isa tanga social media post ka nung peace prize

Nagaland aser Manipur nungi Civil Defence officers arangshir



Dimapur, October 10, 2025 (TYO): October 10, 2025 nungi Central Training Institute (CTI), Home Guards, Civil Defence & State Disaster Response Force, Toluvi, Dimapur nung Civil Defence Master Trainers training program ka tenzükogo.

June 9, 2025 nü Directorate General Fire Services, Civil Defence & Home Guards, MHA aser Directorate of Civil Defence, Home Guards and SDRF, Nagaland tsüngda Memorandum of Understanding (MoU) ka sign sütepba sülen Nagaland aser Manipur nungi Civil Defence officer trainees-i iba sentong nung adener.

Nagaland nung Civil Defence District 10 nungi Master Trainers, Civil Defence Wardens aser Civil Defence Volunteers nem training agütsütsü atema iba MoU nung lateta lir.

Capacity Building and Preparedness atema anogo 21 Master Trainers program ya Ministry of Home Affairs kübok

inyakba mapa ka lir aser State o UT mashi nung disasters & emergencies mapang tashi itta alitsü atema alizüng yur agir.

Anogo 21 training nung Nagaland aser Manipur state tem nungi Civil Defence officer trainees dang Civil Defence and Disaster Management skills including VHF, HF, UHF emergency communication systems, Air Raid Warning System, Collapsed Structure Search and Rescue (CSSR), reconnaissance and damage assessment with components on Emergency Methods of Rescue (EMR), Medical First Responders (MFR) as well as Chemical, Biological, Radiological, aser Nuclear (CBRN) First Responder training agütsütsü.

Iba training nung Nagaland nungi nisung 20 aser Manipur nungi nisung 10 lir.

April 22, 2025 nü Pahalgam kiralongra lendong atalokba sülen Civil Defence atema capacity building scheme tenzükba liasü.

Iba ajanga linük nung civil defence base tashitait ayutsü aser tensa tamajung ajurudang yariteptsü nükjidong nung scheme inyaker.

Director General of Home Guards, Civil Defence & SDRF Renchamo P. Kikon, IPS-i sentong nung o jembidang linük nung civil defence indang tongtipang shilem metetdaksü.

MHA den sign sütepba MoU ajanga Nagaland nung Civil Defence designated districts 10 nung Civil Defence Wardens aser Civil Defence Volunteers 3600 nem training agütsütsü lateta lir ta Renchamo-i ashi.

Civil Defence Wardens ajanga District Administration aser Community of Civil Defence Volunteers den apu lateper ta paisa ashi.

Manipur nungi trainees pelashishia agizüker aser state anaprong nungi officers külemi training agiba ajanga tesentaktep akangshitsü ta Renchamo-isa ashi.

Meghalaya CM Conrad-i Manipur loksaa me yoktsü

Imphal, October 10, 2025 (Agencies): National People's Party (NPP)-i Manipur nung ketdangsubaren balaka meshiba magizüker ta Meghalaya Chief Minister Conrad Sangma-i ashi.

Manipur nung Conrad-i civil society organizations (CSOs) aser lokti lennirtem den ajurutepa yimjung bener arutsü atema tebilembatem angadangogo.

"Manipur litsü loksaa

me yoktsü atema onoki noktaksü. State sasep nung administrative functions kar tenzüksübjai takoktsü lir saka Manipur lemdangtsü merangba magizüker" ta pai ashi.

"Nisung ajaki tangatetba tajung nung olemteptsüla aser iba ajanga dang tejakleni aotsü" ta Conrad-isa ashi.

Naga CSOs ajanga pa dang Free Movement Regime (FMR) aser arrtsü atsüdagba indang ashidang Meghalaya CM-i iba atema asüngdangyateptsü nüngdaker ta ashi.

"Centre-i lemtet agiba nung lisopur teloktem dendaktsütsüla. National security ji kanga tongtipang saka sobaliba aser putiotsü akhümtsübuttsüla. Olemtep aliba ajanga tejakleni aotsü lenmang lapoker" ta pai ashi.

NPP-I MANIPUR TENSA RAKSATSÜ

Külen, Manipur Congress president Keisham Meghachandra-ibo Meghalaya Chief Minister Conrad Sangma-i anir National People's Party

(NPP) ajanga Manipur tensa raksatsü ta tai tongloksüogo.

"Conrad-i Manipur semdangba ya NDA tashimait kümer aliba asentenshitsü nükjidong nung lir. NPP-i BJP den tesentaktep tajung lir aser political partner lir. Conrad-i Manipur semdangba ya party tashi itshitsü aser BJP den tesentaktep yanglushitsü atema lir" ta Meghachandra-i ashi.

BJP aser parnok den yaritepertemi Manipur kümzüka me yutet aser nübor nem temeten magütsüteter, ta paisa shisem.

"2017 nungi BJP aser parnok den yariteper NPP ajanga Manipur state raksatsüogo" ta Meghachandra-isa ashi.

"Manipur nung alirtemi BJP-i aniba NDA magizüker kechiyong parnoki ketdangsubaren raksa, ochimashi inyak aser tensa raksatsü atema telemsa adokba policies benoka inyak. Nübertemi Manipur nung democratic tangatetba bener arutsü aser yanglushitsü merangba nung Congress party dena lir" ta Meghachandra-isa metetdaksü.

Mokokchung nung World Mental Health Day amung



Mokokchung nung October 10, 2025 nü World Mental Health Day amung dang tangokba noksa ka nung Senior Medical Officers, shiranger, care givers aser DMHP nungi staff tem angur.

Dimapur, Mongputeni/Oct. 10 (TYO): Mokokchung nung World Mental Health Day ya 'Access to Services- Mental Health in Catastrophes and Emergencies' omen nung ajemdaker October 10, 2025 nü DMPH Treatment Centre Mokokchung nung District Mental Health Programme ajanga ayongzüka munga liasü.

Dr. Ademla Tinu, Medical Superintendent (IMDH) Mokokchung ajanga tayongzüka o jembidang, "Mental Health ya asen temang anema aliba nung dena lir,

tekolok anema aliba medeni temang anema aliba mali," ta ashi.

Tekolok nung timtem aliba mapang shidak nung anepalu mesüra, asen takum nung tetsükdaksü ajurutsü, ta laisa ashi.

Dr. Ademla Tinu-isa Mental Health nung mesü-mokonga bilemba aser awareness agi anüngabongba indanga jembia liasü.

"Mental Health indang jembiba nung maksü mali ta asenoki angatetsüla. Iba ya nokdangteter, anepteter aser

melenshiteter," ta ashi.

Dr. Limanaro DPO (UIP & RCH) ajanga Mental Health indang rateta jembidang, "Mental Health aser Physical Health ya bilatsü makok," ta ashi.

Lai iba sentong nung adenertem dang Mental Health dak sendakba tsüboa malitsü, rakpoka jembitsü aser awareness agüja yariteptsü ayongzüka liasü.

Iba sentong nung shirangertem, care givers aser DMHP, IMDH aser CMO nungi staff tem dena liasü.

Kohima nung State Level Science Seminar ayongzüka

Kohima, Mongputeni/Oct. 10 (TYO): Directorate of School Education (DoSE) Nagaland ajanga "The Quantum Age Begins: Potentials & Challenges" onük nung ajemdaker State Level Science Seminar ka TM Government Higher Secondary School, Kohima nung Hokulbarnü ayongzüka liasü.

Mt. Hermon Higher Secondary School, Kohima nungi Ejonthung Odyuo-i mezüngbuba jenjang ngutet aser pai state tenüng nung National

Level Science Seminar 2025 nung shilem agitsü, koba Bengaluru nung October 30 nü agitsür lir.

EI Beth High School, Kiphire nungi Sadiya Parveen aser Perennial School, Wokha nungi Eliseni C. Yanthan nati tanabuba aser tasembuba jenjang ngua liasü.

Iba sentong nung Shashank Pratap Singh, Principal Director, Directorate of School Education dena liasü aser Neikezhapfii Dziivichii, PGT (Physics), TM Government

Higher Secondary School, Kohima ajanga seminar omen nung ajemdaker jembia.

Sentong nung Sanino Nakhro, GT (Science), TM Government Higher Secondary School, Kohima menden liasü aser Avino Tase, Deputy Director, Directorate of School Education ajanga pela agizükba o jembia.

Sentong tembanga H. Zhokupa Hoshi, Assistant Programme Officer, Directorate of School Education ajanga melepzüng o jembia liasü.

Video Consultation of Tele MANAS tenzükogo

Dimapur, Mongputeni/Oct. 10 (TYO): Mental Health Day nüngtem nung sentong akhumdong aser Secretary, Department of Health & Family Welfare, S. Tainiu-i October 10, 2025 nü Directorate of Health & Family Welfare indang Conference Hall, Kohima nung 'Video Consultation of Tele

MANAS' tenzüksüogo.

Tele MANAS ya Government of India indang sentong ka lir, koba nübur ajunga nem mental healthcare teyari agütsütsü nükjidong nung angati 24/7 tele-mental health services agütsütsü atema tenzükba lir.

Iba yagi toll-free helpline no-

14416 aser mobile application ka ajanga counseling, psychotherapy aser psychiatric consultations agüja National Mental Health Programme (NMHP) nung digital component ka agütsür aser nüngdakba mapang in-person service den sensakteptsür.

(Maneni tapak 8 nung...)



Nagaland Police constables tatidang agitsü atema tang koba online ajanga maparen inyakdar, iba dak sentakba nung Mokokchung Police-i 'Help Desk' lapoka Changtongya town nung nüngdakbapur yariba mapang tangokba noksa nung angur. Kasa teyari mapaji Mokokchung town aser Tuli nunga agia liasü. Mokokchung, October 10, 2025.



Directorate of Art and Culture ajanga metetdaksür

Dimapur, Mongputeni/Oct. 10 (TYO): North East Zone Cultural Centre, Dimapur kübok fields balala nungi temulung agüja research oriented documentation mapa inyaksü jangra aliba scholars nungi applications meshir, ta Directorate of Art and Culture, Kohima ajanga sangdong ka nung metetdaksü.

Documentation mapa ya North East viz, Arunachal Pradesh, Assam, Manipur, Meghalaya, Mizoram, Nagaland, Sikkim aser Tripura indang Folk & Tribal Music & Dances aser Vanishing Art Forms nung alitsü.

Application agütsür ya India senso aser pei state nung lisopur asütsüla. Iba project proposals atema shimba maparen ya

NEZCC ajanga tenteta aliba Panel of experts ajanga inyaksü.

Application forms aser danga osang tejangya ya state shia Directorate of Art & Culture/Cultural Affairs indang office mesüra Shilpgram, Pangabari, Guwahati aser NEZCC website <https://nezccindia.org.in/home/> advertisement aser <https://www.facebook.com/nezcc> nungi agizüktetsü.

Application ya October 31, 2025 tashinung agütsütsüla, aser iba sülen aruba application magizüktetsü.

Kuli kecha magütsüi application agizüktetsü mesüra magizüktetsü Director, NEZCC dak tashi lir, ta sangdong ajangasa ashi.

PHC Mongsenyimti nung NQAS atema external assessment agitar



Dimapur, Mongputeni/Oct. 10 (TYO): National Quality Assurance Programme kübok PHC Mongsenyimti atema October 10 & 11, 2025 anogotem External Assessment for NQAS certification agitar.

Iba Assessment ya External Assessors Dr. Sankar Roy aser Dr. Rajiv Kumar Sharma nati agitar, shirnoki NQAS guidelines nung aliba ama iba mozüki asadangtsü.

Health Centre nem National certification agütsütsü renema ali-mali jangjatsü aser Indian Public Health facilities indang nüngdakba ama asü-masü ta jangjatsü nükjidong nung iba exercise ya agir.

Iba assessment nungya "Areas of Concern" awajemtsü, kong service provision, Patient rights, Support service, Clinical Care, Infection Control aser Quality Management densema lir.

Iba assessment tenzükba sentong nung Dr. Maongkala, Medical Officer PHC Mongsenyimti ajanga Primary Health Centre indang tongmelang agi rateta ashi, koba ajanga yimtsüng ti nung nütsüng yongsük 4558 awajema Health & Wellness Centres trok tashi ketdang asür.

Dr. Takosunep Ao, Deputy Chief Medical Officer, Mokokchung ajanga Assessors tema pela agizükba o jembia aser PHC Mongsenyimti nem tenüngsang agüja liasü.

Iba sentong nung Linukyanger, Pastor, Mongsenyimti Baptist Arogo aser Sakumeren, HCMC Chairman dena liasü.

Iba assessment nungya Dr. Ajemrenla, DQM Mokokchung-i anir Office of the Chief Medical Officer Mokokchung nungi staff temi yariteptsü.

Chümoukedima DPDB senden menogo

Dimapur, Mongputeni/Oct. 10 (TYO): October ita atema Chümoukedima District Planning & Development Board (DPDB) senden October 10, 2025 nü Deputy Commissioner, Chümoukedima indang Conference Hall nung Advisor, Urban Development & Municipal Affairs aser DPDB Chairman, Zhaleo Rio lenisüba kübok mena liasü.

Senden nung Advisor Rio-i züngsem tem pela agizükba sülen Nagaland nung tzunglu

sashia aruba aser tang tashi aruba ajanga ki o jen raksaja lenmang tem nokdang, alu nunga kongshir, ajisüka District administration, stakeholders temi kanga junga yaritepa arur, ta ashi. Pai parnok dang pelaba lemsatet aser maneni yariteptsü ayongzüka liasü.

Taoba DPDB senden nung lemtetba tem lepa repringshia senden tenzük aser iba sülen agenda balala benoka jembia liasü.

(Maneni tapak 8 nung...)



TIR YIMYIM YIMOBILEM (EDITORIAL)

DIMAPUR

KÜPTOKNÜ

MONGPUTENI 11, 2025

Arogo dak onsara imlar !

Asen lima nung yimsüsürtemi anir nütsüing nübortemi aibelenba ajak asenoki arogo dak atonger aser tai aser meshidak atalokba ajak arogoi shitak kuma metongshitsütsü imlar. Ibaji tajungleni bilemdangra, arogo lenirtem dak tashimait aika liaka nübortemi arogoibo temelenshi tajung bener arutsütettsü ta imlar. Ajisüaka, tanü asen lima kija, kibong, yimten aser loktiliba asoshi tia maka kaji, asenoki arogo dak onsara imlar, anungji asenokibo tamajung ajak inyaksü aser itemji arogoi tajung kümtsütsü ta imlaba tangatetba aser mulungsentsü ya asütsü. Atangji, asenok shibasa Yisu Khristaji pei taküm nung kibur aser kümtetdakba ta amanga agizüker külen tzü nung tzüsena arogo telongjem nung züngsemogo, item züngsemtem ajakji arogo nung, anungji arogo nung saru nung asenok adener aser arogo nung nübodok nunga shilem agir. Ajisüaka, asenoki tajung inyaksü arogo dak imlaba ya asenoksasa asenok arogo nung züngsem purtem dak imlarba masü saka pastor aser deacon-tem dak imlar ta angateter, kechiyong parnoki arogo nung ajak tenüing nung tashi amshia inyaker aser Tsüngrem o belenzüka bener arua arogo züngsemtem mesür. Ajisüaka, arogo nung lenirtemja nisung dang, anungji parnoka pei pei yari tashimait lir. Ashiko, arogo lenirtem karbo arogo züngsem purtem dang nungi tashi maitba alitsüa akok. Anungji, kodang asenoki asenok kibongtem nung tanurtem mazüoktetba aser taintema meshitak akümba aser yimten nung ochimashi inyakbatem ajak arogoi dang melenshitsütettsü ta imladir, aji asenoksasa asenok lendongi aier asütsü. Atangji, arogo lir ser nung arogo nung mejungi akümba tai aser tebilemsü nungi arogo lenirtem ajentsü makok, yangji parnoki inyaksüba shilem tuluka lir. Aji oda, tenla ki sabang 'pulpit' yabo arogo lenirtem watang masü saka arogo nung kija, kibong, lokti aser yimten raksaa aliba tesemjiang arogo lenirtemi inyaksüba watang lir, anungji arogo nung lenirtemi nisungtem tenla kidangi aru atatsübaji masü saka nübortem bushia oagi parnok taküm aser mapa tajungba kuma yanglushitsüsbajiang parnok watang lir ta angatettsüla. Ajisüaka, arogo nung züngsemtemi pei taküm aser kibong yanglushitsüsbaji arogo nung lenirtemi dang yanglushitettsü ta bilemra, ano ibajiang item taküm aser kibongtem asoshibo tebilemsü tuluba asütsü. Tangbo asenoki arogo lenirtem indang jembir, saka asen taküm yanglushitsüsbajibo, aseni memulungra, shingaia makoktsü. Tanü asen lima teraksa aser ochimashi agi sünga lir aser aji yanglushitsü melena tamajungba-tamajungba akümbaji, asenoki asenoksasa yanglushitsü meranger masü saka arogo lenirtem dak imlaba ajanga lir. Aji oda, arogo nung Tsüngrem o rateta ashir mali akümba aser sarasademtsü mejangrai akümba ajakji asenoki arogo lenirtem dak kisüing imlaba agi asenoki meteta aser memeteti atsüngzüka aoer. Tanübo asenok dang Tsüngrem o ashir meliaka asenok ket nung Tsüngrem o lir aser shingaia asenok jangrabangraa tanela nung sarasademtsü menokdang. Kasaji, arogoi tanela anir aruba mission mapa nung temulung magütsüba agi asenoki tezüdanga nüngsen jembir, ajisüaka arogoi temulung süa meinyakra asenoki asenoksasa tanela anir aruba mission mapaji inyaksüa shingaia nokdanga mali. Aji oda, arogoi tanela anir aruba mapa inyaksü agibo kisüjensütsü dang jangraba mapang nung, asenoki mission mapa inyaksüsbajia arogoi meinyak tashi arogo daksa imlara, ashiko, asen mapangi asen matatettsüa akok. Atangji, nübortemi arogo dak imlaba jagi arogo lenirtem ajungshir, ajisüaka asen taküm, kibong, lokti aser arogo nung tajung ataloktsüba ajak arogo lenirtemi dang arua ataloktsütsü amai asenoki bilema imlara, ashiko, itemji kodanga mataloktsüa akok. Asenoki arogo dak onsara imlaba agi asenok kisüingia alima nung temelenshi tajung bener arutettsüba mapang aser tashi mamshitet, tesasatsüka, süitemdaktsüdagi. Arogoi inyakra temoa saka joko asenokbo arogo dak talibo meimlatsüla, kechiyong arogoi asenok aküm masü saka asenoki arogo aküm.


OLEMSABANG

Encephalitis tashidak Indang temetettsü

Source : Internet

ENCEPHALITIS

(Inflammation of the brain caused by a viral infection or an immune system response)



India nung Japanese encephalitis tashidak ya mezüing 1978 küm adok aser iba mapang tanur 6500 den timba iba tashidak agi shiranga asü.

Taküma iba tensaji mesüka atalokogo aser West Bengal, Uttar Pradesh aser Bihar nung iba encephalitis tashidak ajanga nisung aika asüba osang angazüker. Talisa asen kidangsüa aliba Assam state nunga iba tashidak ajanga nisung 388 asüba osang taoba Brihostibar nü sangdongogo.

Assam nung health ketdangsertemi ashiba agi, JE tashidak aketer nisung 2,170 tashi putetogo aser districts 27 jungnüa nung iba tashidak aliba osang metetdaksüogo.

Ano, Nagaland State Health and Welfare Department-ia August 8, 2014 nü Nagaland nung JE tashidak nisung 6 dak aliba putetogo ta osang metetdaksüogo aser ibaji asenok atema tetsübutsü osang lir, kechiyong tanga state tem nung dang masü saka iba tashidak asen state tonga aruogo aser iba jagi asenok iba tashidak nung jenbua alitsü nüngdaker.

Encephalitis ya kechi ?

Tekolok waka aser timtema shirangba dang medical oshi nung Encephalitis ta ajar. Iba tashidak ya mapang shitak nung anepalu mesüra kanga majung aser taküm samatsü ana nung lir.

Encephalitis adokdaksüba :

Encephalitis ya timba virus ajanga adoker aser tekolok wakdaksüba virus aika lir. Ibala shirang adokdakba virus tem ya polio, rabies virus, varicella zoster (chicken pox virus), mumps aser rubella nungertem lir. Anosa, adenovirus, cytomegalovirus, West Nile virus aser echovirus nungertemia tekolok wakdaksür.

Encephalitis ya tapu balala lemsa lir aser itemji :

Herpes Simplex encephalitis: Iba ya HSV-1 (Herpes simplex virus type 1) virus ajanga adokdaksür.

Japanese encephalitis : Iba ya yellow fever virus sülen flavivirus ta jaloktsü aser iba tashidak ya mezüing Japan nung adok. JE ya Culex merlatem ajanga adokdatsür.

West Nile encephalitis : Flaviviridae family nung densemba virus ka ajanga iba tashidak ya adoker aser merlatem ajanga menateper.

Tick borne encephalitis : Atsüktem ajanga belenshiba virus agi Encephalitis tashidak adokdatsüba ajak dang tick-borne encephalitis ta ajar.

Tajitettsütem : Iba virus yagi tekolok miebanga aliba shilem atonger aser wakdaksür. Virus jagi brain tissue wakdaksüba den neurons raksatsür aser kenkenbo tekolok nungi azü adoka kangshir. Iba tashidak agi atongertem tekolok angotsü, mangmanga aittsü, rabaralema akümtsü aser tekong o teberem nung tashitsü atutsü. Kenkenbo aoksa temang arakzüts, teben-tetsüing tashi meiti akümtsü aser temang metaa shirangtsü akok.

Iba tashidak ya tapu ana lir, ka Primary form aser ka Secondary form lir. Ana rongnung tamajungbaji Primary form.

Japanese encephalitis mesen ya Culex tritaeniorhynchus aser Culex vishnui ta ajaba merlatem ajanga belenshir aser item merla ya tsüklu nung kanga bulua adoker. Iba virus ya ozü aser tanga shirurutem dak atemer.

Nisung mang nung Japanese encephalitis tashidakji anogo 5-15 tashi nung atemer aser iba wara menar nisung 250 nungi 1 dak dang encephalitis tashidak adoker ta asadangba osang lir.

Japanese Encephalitis Vaccine : Asian Pacific tesem nung alirtem atema Japanese encephalitis vaccine ji tongti süa agütsür. Iba vaccine ya tapu ana lir, mezüingbuba vaccine ji 2-dose series aser mezüingbuba series agütsüba sülen tanabuba series ji anogo 28 lir külen agütsür. Iba vaccine ya arishi küm 18 temapurtem nem dang agütsür. Ano, tanabuba vaccine ji series 3 lemsar agütsür aser arishi küm ka kinü nungi agütsütsü akok. Mezüingbuba series agütsüba sülen anogo tenet lir tanabuba series agütsür aser iba sülen anogo 28 lir külen tasembuba series agütsür. Vaccines anaprongla agir küm ka sülen tanaben agitsü nüngdaker.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Maharashtra nung America nunger ka den Khristan ana apu



Maharashtra nung police-i America nunger, James Watson apuba mapang tangokba noksa nung angur.

October 10, 2025: Tawa Mumbai district kübok Bhuishet yim dak sarasadem sentong ka nung Khristantemi Hindu nunger yim dak lirtem Khristan yimsü dangi meyip daksütsü merang, ta tai tongloktsüba nung ajemdaker Maharashtra nung police-i America nunger ka den lisopur Khristan ana puogo, ta osang ka ajanga metet daksü.

Police-i apuba America nungbaji arrshi küm 58 James Watson lir aser India nunger anaji Ganpati Sarpe (42) aser Manoj Govind Kolha (35) na lir. Yim dak lir Ravinath Bhurkut-i Khristantem anema

tashishiba ken o agütsüba sülen October 3 nü police-i Khristantemji apu. Police officer Harshavardhan Barve-i, "Par asem jagi sarasadem sentong ka ayongzüik aser Hindu nungertem Khristan yimsü dangi meyip daksütsü meranga liasü. Iba sentong nungji yim dak lir 35 shi aden," ta metet daksü.

Parnoki yim dak lirtem dangji, nenoki Khristan yimsü dangi meyipra taneptsü angutsü aser taküm nung azükarutsü ta nangzüka liasü, ta police-i metet daksü.

America nunger Watson ya

business visa nung India-i arua liasü. Pai visa telatet batem anema inyaka yimsü dak sendakba nung shilem agiogo, ta pa nem tai tongloktsü.

Iba tesem nungji aliba Protestant pastor, Mahesh Bhivadi-ibo, "Yim dak lirtemi tiyazü nung tai tongloktsüogo. Kolha'er kima sarasadem sentongji agi ajisüaka yimsü meyip daksütsü atemabo kecha meinyak," ta metet daksü.

Pastor Mahesh-isa, "Joko Khristantem pei kidanga sarasadem sentong-a magitetsüsa kümogo. Tamalen-a Pastor Watson-i ozü yim semdanga liasü," ta metet daksü.

Chhattisgarh nung Khristantem tasü mang merem daksütsü telem tetba agi

October 10, 2025: Chhattisgarh nung Kanker district kübok yim 22 nungi yim dak lir 400 dak tali adenshia Khristantem tasü mang aremtsü atema ali magütsütsü asoshi vote agütsütep.

October 5, 2025 nü ayongzüikba senden nungji parnoki, Khristan yimsü dangi meyipba ajanga asen sobaliba raksatsür, ta shia parnoki Khristantem tasü mang aremba sobaliba nok dangtsü aser Khristan tamangertem nok dangtsü atema telem tetba agi.

India nung Khristantem anema inyakba tatalokba teimba aliba state ji Uttar

Pradesh lir; iba sülen tanabuba state ji Chhattisgarh lir. Talisa tawa Kanker district nung Khristantem tekülem sentong agiba nok dangtsü aser Khristan yimsü dangi meyipba nok dangtsü atema Hindu yimsü alia amangertemi asalentong balala yanglua inyaker.

Amongnü Banspatar yim dak nungi Khristan, Deepak Yadav sendeni jaokba sülen pa dang Hindu yimsü dangi tanaben meyipang ta rongshia liasü.

October 5 nü ayongzüikba senden nungjisa Tenla kitem raksatsütsü, Khristantem nem arem li temeden magütsütsü, bushisüng dangtsü atema local

councils nem temeden agütsütsü aser Khristan yimsü dangi meyipba nok dangtsü atema telem tetba agi.

Taküm küm tetenzüklen Kanker district kübok yim trok nung village councils-i yim dak Khristan missionary tem aser pastor tem marudaksütsü atema yim süngküm nung ozülü board yua liasü.

Yim dak lirtemi ashiba agi, Fifth Schedule aser Panchayats (Extension to Scheduled Areas) Act, 1996 (PESA) nung ajemdaker iba telem tetba agia inyak. Iba sülen Khristan telok kari yim dak lirtem telem tetba anemaji ken o benokogo.

Franklin Graham-i Manchester nung 'God Loves You' sentong agitsü

October 10, 2025: Sayutsüngir Franklin Graham aser Billy Graham Evangelistic Association (BGEA)-i sangküm October ita nung Manchester nung 'God Loves You Tour' agitsü.

Kibongtem nung rangloker agiba sentongji UK nung entertainment arena tulutiba Co-op Live nung ayongzüka agitsü. 2022 küm nungi tenzüka BGEA-i UK nung aliba yimti aika nung God Loves You tour agia aruogo.

Manchester nung pastor, Reji Varghese-i, "Manchester ya linük balala nungi nisung aika

adenshia mapa inyaka aliba yimti ka lir. Yamaji nisung tapu balala temeyoktep aika liaka ajak atema kasa teimlaji Tsüngrem ajaso chir, Yisu Khrista lir. Taruba God Loves You Tour ji Pa temeim lemsateptsü, taneptsü angutsü aser yimti nung nisung jenti taküm melenshitsü atema maongka tajung asütsü," ta metet daksü.

Tamalen UK nung God Loves You tour ya London, Liverpool, Birmingham, Glasgow, Sheffield aser South Wales nung agia aruogo.

BGEA Tir, Franklin

Graham-i, "Onoki nübur ajak asoshi teimla osang bener arur. Onoki Khrista osang tajung lemsatepner. Tsüngremi iba yimti nung aliba nüburtem meimer aser anepalur aser nüburtem atema Pa sentong tajung lir," ta metet daksü.

BGEA-isa Manchester nung Khristantem atema training sessions ayongzüka katsütsü.

Taküm June ita nunga Franklin Graham-i ExCeL London nung iba sentong ayongzüka agia liasü. Iba sentong nungji nisung 17,000 shi aden.

ANO GO ABEN TSÜNGREM DEN

Nai kechi metet nai inyaka lir ma?

Anungji shibai mapa tajung inyaksü metetter aser meinyaker pa asoshi aji temenen. Yakob 4:17.

Tsüngremi mulungba metetter meinyakbaji mapa tila masü. Iba dang Tsüngremi temenen ta ajar. Asenoki tashi mangaba kulitem yanglutsü akok: "Ni ano renema mali asü" mesüra "Ibai kecha balaka masü ta ni bilem" mesüra "Ni tesülen inyak" mesüra "Ni memerangtet!" Asenoki temeten kuli yanglur, asenoki mapa menua inyaker, aji saka Tsüngrem nükdang temeten kuli aser mapa nung menuba tashi mangaba dak alema tanga kecha mali. Tebilemba tajungji tashi angaba mapa den kasa ta asenoki bilemba agi asenok pei sasa ashioktsür. Aji oda masü. Mapa mali tebilemba tajungji tashi mangaba den kasa lir. Kodang asenoki Tsüngrem den ajuruteper aser Pai asenok nem tetuyuba ka agütsür, asenok tanela ainlen jajaba nung züluokba mesüra asenok tembartem aser arogo dang asen "telem tetba" ashibaji teperi masü. Tsüngremer tajabaji "telem tetba" ka agitsü atema masü saka tashi angaba den kasa masü (Mat. 21:28-31). Tashi angatsü nüngdak ta akangshibaji tashi angaba den kasa masü (Lk. 6:46). Takok matsüng dang asen bendanga agütsüba kuli ashibaji Kibuba dang tashi angaba den kasa masü. Mapa tajung inyakbajia tashi angaba den kasa masü.

Tsüngremi chuba Saul dang ainkar maru tashi ataa alitsü ashi. Atatsü melen Sauli mapa ajak pa ket nung agi aser tarungba tenla agütsü. Tanga mapa tajung Sauli inyakbaji tashi angaba mapa masü liasü ta Sauli metetta aru (1 Sam. 15:22). Saul dang ama, Tsüngremi ashiba shidakji inyaksü Pai na nungi imlar. Tashi angaba agi dang Tsüngremi aginüba tashi angaba ataloktsür.

US nung Tenla kidangi aoer tetsür dang nungibo tebur teimba kümogo

October 10, 2025: Tesüiba 24-i dang hopta shia Tenla küm 5-6 tsüngda America nung kidangi aoer, ta parnokisa kijung lanurtem aser lanurtem metet daksü.

rongnung Tenla kidangi aoer 2000s mapang nungbo tetsürtem dang nungibo Tenla kidangi aoertem teburtem kanga agia teimba rongnung tebur dang nungibo kümogo; talisa taküm Tenla tetsürtem kanga agia teimba kidangi aoertem teburtem liasü, ajisüaka tangbo teburtem kanga aika kümogo, ta Barna teimba kümogo.

Group report ajanga "Khuret jenti aliba den metet daksü. külemi loktiliba nung Coronavirus wara temelenshi aser Arogo nung tembangba sülen Barna-i Gloo tamakok kulitem ajanga Tenla den senteper iba study agia kidangi aoer tetsürtem ajema arur. akümer. Iba dak alia Arogo nung lenir teburtem nung nung lenir teburtem sentong nung adentsü atema nüktapangta tatidang nung aoer tetsürtem dang nungibo tsükba aser tai tesayubatem teburtem teimba kümogo; talisa ajanga tetsürtemi melung taküm hopta shia Tenla kidangi aoer melem tettsüsa kümogo," ta arogo tetsürtembo shilem 36 research agirtemi metet daksü.

dang kümogo, ta Barna nungi Barna Group CEO, David Kinnaman-i, "Tatidang research agirtemi metet daksü. makokba, tashiyim amshiba aser Arogo nung anemsü mapatem jenti lira tetsürtemi melung melem tettsüsa akümer," ta metet daksü.

Ano külen menoa kibong makümer tetsürtem mesüra kibong mekümi dang alitsü telem tetba agia alir tetsürtemi pei wadang nung tali rangloker, ibayongji kibongtem dak ranglokba Arogotem nung parnoki timtem ajangshir, ta research agirtemi metet daksü.

AO OSHI ANGAZÜKDAK: TANÜ ANGAZÜKTSÜBA OJANG



Tir Yimyim


Tir

- (n) tanishisang, tokolakba (leader, head of an organisation)
* Lokti nung tir asütsüba ochishir, taremzüik aser tasütait asütsüla.

Tirküpzüik

- (n) arju nunger nem tiri bangnem agütsüba
(piece of meat given by head of morung to each of its members)
* Arju nung tiri küm asem nung khien tirküpzüik agüja aru.

OLONG PAITEP # 7296



TIPIEN

1. Tzü atsüngtendak - (8)
5. Jenti - (4)
6. Alu inyak dang amshiba oset ka - (6)
8. Netsü tetsü - (4)
9. Yisu-i iba tzüma nung jaja - (5)
12. Menütsü - (5)
14. Yimti tulu - (4)
16. Arem ak - (6)
17. Te ____ m - (4)
18. Mangatetep adoka rara - (8)

LANGTSÜNGLEN

1. Totzü nung aro - (5)
2. Okshia - (6)
3. Khu abenba shiruru - (4)
4. Mozü agi mapet - (5)
7. Aria bilemtep - (7)
10. Purapuji o jembiba - (6)
11. Nguyu - (5)
13. Zülua aliba metettsü - (5)
15. Iba sülen - (4)

OLONG PAITEP # 7295 TELANGZÜBA

TIPIEN :

1. Aben, 4. Artsü, 7. Lisem, 8. Liwa,
9. Sarasadem, 12. Aket, 14. Mangu,
15. Anünü, 16. Ango.

LANGTSÜNGLEN :

1. Aruli, 3. Balala, 5. Suwar, 6. Belem,
9. Süjak, 10. Aonung, 11. Dokan,
13. Tinu.

NAI-A YA METETTER MA



Hampshire, England nung jakrep adianu Stuart aser Ian Paton nati küm 50 tema mapo (pumpkins) tsünüa arur aser tenati taküm mapo 2,819lbs (1,278kg) tulu ka tsünütetba ajanga alima otsü tasen ka yangluogo. Tan ita tetenzüklen Wargrave Nursery, Reading nung giant vegetable weigh-off alidang Stuart aser Ian nati tsünüba mapoji 21ft (6,4m) tasazük liasü aser alima otsü ajatetogo.

Taoba heaviest pumpkin record holder ji 2,749lbs (1,247kg) aser largest pumpkin record holder ji 20.2ft (6.1m) liasü saka taküm jakrep adianu nati item otsü ajatetogo.



Arunachal Pradesh kübok Tirap district nung Assam Rifles aser Tirap Police-i National Socialist Council of Nagaland (NSCN) züngsem pezü puogo. Parnok ya Brig Pholai Ponglaham, Brig Nyaiwang Wangsa, Lt Col Sampan Jugli aser Lt Chaijung Tikhak nunger lir ta jangjaogo aser parnok ya NSCN (R) züngsemtem lir. Parnok ket nungi mobile phones 6, tablet 1, trolley bag ka, duffle bag ka aser Mahindra Thar (Registration No. AR 12B 3333) gari ka ngutetogo.

MLA Akhil Gogoi-i Riniki Bhuyan dangi shidi zülü

Guwahati, October 10, 2025

(Agencies): Raijor Dal President aser Sivasagar MLA Akhil Gogoi-i Pride East Entertainment Private Limited Managing Director aser Assam Chief Minister Himanta Biswa Sarma kinungsü Riniki Bhuyan dangi shidi ka zülüogo.

Iba shidi nung pai Assamese cultural icon Zubeen Garg asüba atema Assam sorkari bushisüngdang shitak masüba shia lir.

Iba shidi ya Riniki Bhuyan anema masü saka Zubeen Da nem temeten magütsüba atema zülur ta Akhil Gogoi-i ashi.

Riniki Bhuyan-i kanga dang

karaa Akhil anema criminal case ka benok saka state sorkari asür Zubeen asüba atema bushisüngdang asütsü nungnanger ta shidi nung shia lir.

Chief Minister Himanta Biswa Sarma lenisüba kübok BJP sorkari tai tongloksür dang taochi sayur saka temeten bushirtem anema ozüing kübok mapa inyaker. State ketdangsürtemi National Security Act kübok nisungtem apuba, police nem tashiyim inyakdaksüba aser tenüing menük ken o tem benokba ajanga tetsübu tensa ka küm daksüogo ta Akhil Gogoi-i

ashi.

Riniki Bhuyan-i iba bushisüngdang nung Singapore ketdangsürtem den amalitepa yariteptsüla. First-class ticket aser luxury accommodation agütsütsü ta ashibaji magizüker ta paisa metetdaksü.

Zubeen Da asüba ya timi anepalu masüba agi asü tepsetba lir. Iba atema jungjunga bushisüngdang asütsüla aser tepsetba putetra tai tonglojka alirtem nem tasüba temerenshi agütsütsüla. Asütsüla mapa inyaka lira taküm piyong tepuokdak ayutsüla ta Akhil Gogoi-isa shidi nung shia lir.

Army & civilian külemi Athupopu tashi trek aotsü

Itanagar, October 10, 2025

(Agencies): October 12, 2025 nungi Athupopu tashi anogo 20 nü joint civil-military trek tenzüksü.

Iba sentong ya Dibang Valley, Arunachal Pradesh nung aliba Anini Military Garrison nungi tenzüksü.

Iba expedition ajanga civil-

military tesentaktep akangshitsü aser India kübok arrtsülen aliba tesemtem nung sobaliba sayutsü. Athupopu ya Indo-China arrtsü anasa 3,500 meters nung lir. Iba ya Idu Mishmi kin atema temeshi tesem ka lir aser tasürtem aoba lenmang ta

parnoki züngshir.

Indian Army personnel aser civilians külemi jajatsü aser iba ya "Soldiers as Citizens in Uniform" tangatetba sayutsü. Iba ajanga armed forces aser lisopurtem tsüngda temulung lempet aser amalitep tajungba akümtsü.

Toyota Kirloskar Motor-i Sep 2025 nung 31,091 units yokdok



Bengaluru, October 10,

2025 (Agencies): Toyota Kirloskar Motor (TKM)-i September 2025 atema sales results metetdaksüogo aser iba nung gari 31,091 ayokba shia lir.

September 2024 nung 26,847 units yoktet aser September 2025 nung iba dang nungi 16% agi teimba 31,091 units ayok.

Iba nung domestic sales 27,089 aser export markets dangi 4,002 units yok.

"India sorkari GST reforms inyakba aser benjung mongpu ajanga gari kanga aliteper. TKM nung onoki GST indang tajangzük ajunga ozü customers nem agütsüogo aser iba ajanga onok indang gari tapu balala aliteper. Benjung

mongpu aruba ajanga shishilembabaren tajungba asütsü ta onoki amanger" ta Sales-Service-Used Car Business Vice President Varinder Wadhwa-i ashi.

Taküm September ita TKM-i Rumion gari tasen ka sayaogo aser iba nung airbags 6 enoka safety features tajungba kümogo.

Palestine nunger meyirijang aika Gaza north leni meyipa aor



Israel aser Gaza arütsü nung October 10, 2025 nü tangokba noksa ka nung Israel mitkar indang garitem angur. Israel aser Hamas tsüngta Gaza Strip nung ceasefire ka Hokulbar anüngdang 12:00 ako nungi tenzükogo.

Gaza City, Mongputeni/Oct. 10 (Agencies): US tetsüngtai aiba ceasefire Hokulbarnü tenzükba sülen Palestine nunger meyirijang aika Gaza north leni aor, shirnok pei ki teraksa angutsü aser maneni timtema alitsü shisabulu nung lir.

Gaza nung aliba nütsüng yongsük 2.2 million aliba nungi ajunga amai rara mechi pei ki yutsür tesem balala nung jenshi, koba 2023 küm October ita Hamas-i anir telungpur temi Israel arütsü alema oa nisung 1,200 shi tepseter nisung 251 pua bener aoba sülen tenzük.

Israel-i tayang kepzüka anünglen aser alilen nungi amakba nung nisung 67,000 dak tema tepsetogo, ta yangji aliba health ketdangsür temi ashir aser tzükum len aliba Gaza Strip

timba aoyi kumtsü.

Israel mitkari iba rara anena ataba ya Hokulbar nikongdang 12:00 ako (par mapang) nungi tenzüker ta ashi. Iba sangdong ajanga Palestine nunger aika Gaza indang tzükum anasa aliba lenmang nung taoba mapang pei ki alileni tetsüng agi jaja ao tenzük.

Ceasefire osang angashia tesem ajaklen kanga benjongtepaka Palestine nunger aikati rara metenzükdang aliba ama malitsü ta meteta lir.

"Hao rara tembangogo - aser ano kechi? Ni meyipa aotsü asoshi ki maka. Parnoki ajak raksatsü. Nisung meyirijang aika süogo, Gaza Strip teraksa nung lir, aser parnoki ceasefire yanglu. Ni pelatsü lir na? Masü, ni mepelar," ta Gaza City nungi

central Gaza len Deir al-Balah nung jenoka alir tanur pongu tetsü Balqees-i osangbener dang Hokulbarnü ashi.

La ama Gaza City nungi activist aser human rights advocate Mustafa Ibrahim-ia ashi, shiba Deir al-Balah nung jenoka liasü.

"Menütepba samaogo aser nüktzü kongogo. Gaza nung aliba nüburtem samaogo, aser parnok tasü jajar amai lir," ta pai ashi.

Ceasefire ya metenzükdang yongi taoba mapang Gaza City nung alirtembo ayamesor liasü.

Israel indang armoured vehicles aser bulldozers tem Brehostibarnü nungi tenzüka Gaza yutsür ainshir. Tank ka transport truck nung inoka bener aoba video nung nguogo.

Peru indang Congress-i linük tir mapa nungi anentsüogo

Lima, Mongputeni/Oct. 10 (Agencies): Peru indang Congress aonung menur senden mena Tir Dina Boluarte mapa nungi anentsütsü vote agütsüogo.

Political party balala nungi ozüng yanglur timbai "permanent moral incapacity" nung ajemdaker la anentsütsü mulunga agizük.

Vote agitepba sülen national television nung jembidang, iba vote ajanga Peru indang democracy tashi ita aliba nung kongshitsüba indang Boluarte-i asüngdanga liasü.

Alima nung "most unpopular leaders" rongnung la ya ka lir, aser la junger ta agizüker shilem 2-4 dang lir, aser Boluarte indang kümsük nung mapang shia longkak aitba, ochimashi mapa inyakba aser bushisüngdanga agi sünger liasü aser telok balalai azüdokshiba tali akum.

Mapa tamajung inyakba tali akumba mapang Peru nung sorkar anema longkak aitba tawa tali akum. Linük yimtiba, Lima nung Brehostibarnü concert ka nung nisung dak akhaba sülen nüburtem tali ain adoka akum.

La mapa nungi anentsütsü bhukuma pezüben vote agütsütepba sülen



Dina Boluarte

Hokulbarnep Boluarte mapa nungi anentsütsü asoshi ozüng yanglur 130-i vote agütsüba nung 122-i mulunga liasü.

Congress lenir Jose Jeri ya interim president ama Hokulbarnep tenangzükba agiogo. Tang Peru nung tatong tir mali.

Yasüng ken o jembidang Boluarte ya Congress senden nung maden. Iba vote ya sangdongba sülen Peru nunger nisan bener longkak aiteritem Congress building kima adenshia pela agizüka liasü.

"Ni teti telungjem atema jembia aru. Iba yongji ni atema masü saka Peru nunger nisung 34 million dak tema tajungba nung alitsü atema bilema liasü," ta lai menden nungi atsüngdokba sülen ashi.

Arishi küm 63 tain Boluarte ya office nung küm asem mejungi lia nungi nüburtemi longkak ait tenzük.

La tir inyakba mapang bushisüngdang agi sünger liasü, kong lai sübokrem ama Rolex anütetsü agizük ta tai tonglokja "Rolexgate" nüngja agütsür ochimashi mapa inyakba indang bushisüngdanga dena lir.

La teni surgery agiba mapang lai caretaker president meshimba mapang lai la mapa yutsü asü masü ta bushisüngdanga liasü. Lai aibelen mapa kecha meinyak ta nokdak.

July ita lai la indang itasen ya Peru nung 'monthly minimum wage' dang 35 ben jungnüa tali temloktsü telemtetba agiba nunga nüburtemi anema nokdak. Iba mapang South America nung aliba linük 12 rongnung la indang itasen dak tajemba linük ka indang tir dang lir, ta la indang economy minister-i shia liasü.

Taruba küm April ita elections agitsü lia Boluarte anentsütsü aiben meranga liasü aser Brehostibar aonung takok angu.

Taoba tir Castillo-i pa mapa nungi manendaktsütsü mechi Congress anentsütsü merangba sülen pa mapa nungi anentsüba sülen 2022 küm December ita Boluarte ya jenjang tajungba akum aser iba mapang la tatong tir mendeni ajungketa liasü.

La tir kumer mezüng ita asem tsüngta la anema longkak aitba 500 ben dak tali liasü.

María Corina Machado nem Nobel Peace Prize agütsür



Oslo, Mongputeni/Oct. 10 (Agencies): Hokulbarnü Venezuelan opposition leader María Corina Machado-i Nobel Peace Prize takok ngutetogo.

Taoba mapang opposition telok nungi tir asoshi toktepla Machado ya mapang ka kanga mejungi lemsar aliba political opposition lungjemdaksür ta tenüng asanger, aser iba opposition ya lungjemer free elections aser representative government meshi, ta Norwegian Nobel committee menden Jørgen Watne Frydnes-i ashi.

"Tesüiba küm Machado ya jenshia senzütsüsa akum. La takum nung amokmeren liaka, la linük nung dang ali, koba ajanga nisung million aika ajungmeso. Authoritarians temi yimsüsüba tashi rakzükdang, tasü ita 'freedom' kumzüka ayur ajitettsü kanga tongtipang lir." Machado indang ally,

Edmundo González, shiba Spain nung oa jenoka lir, pai video ka lemsatepba nung pai phone ajanga Machado den jembia liasü.

"Ni kanga aoksar lir. Ni mamangteter," ta lai ashi.

Machado-i Nobel sempet anguba benjonga social media X nung, "Asen freedom aser democracy atema tetsür ka aser nübur ajungai mapang talangka raraba angatetba ya kanga langa lir," ta ashi.

Taoba küm tir election agitsü lia Tir Nicolás Maduro indang sorkari chichiba aser parnoki opponents ta angateter dak apang shia tenük yoka liasü.

Tan hopta arishi küm 58 ajungla Machado ya Maduro den tokteptsü liasü, saka sorkari la disqualify sütsü. La melen González toktep. Pai taoba mapang kodanga Venezuela tir asoshi toktepa meliasü. Iba sülen election mapang

candidate aika disqualify sütsü, apu aser meimchir temeden anema aibelen mapa inyakba liasü.

Maduro sülen anidaker agi sünga aliba National Electoral Council ajanga pai takok nguogo ta sangdongba sülen sorkar anemer pua merenshiba tali akum.

Electoral Council-i election results sangdongba ajanga linük tesem ajungalen longkak ait tenzük, kong sorkari tashiyim amshia telangzüba agüja nisung 20 dak tema süa tembang. Parnoki Argentina densema bendanger linük balala den tesendaktep rakdanga liasü.

Machado ya atsükshia senzü tenzük aser January ita nungi yimjak nung mangu. González-i election results sayatsüba ajanga Venezuelan court kati pa aputsü totuyuba agütsü. Pa Spain-i jena ao aser yangji asylum agütsü.

Taoba kü Machado aser González nem European Union indang human rights honor tematiba, The Sakharov Prize agüja liasü.

Nisung 112 nem Nobel Peace Prize agütsüba nungi tetsür temi iba sempet angur Machado ya 20 buba alitsü.

Iba sempet ya US Tir Donald Trump nem agütsütsü südi ta jembia liasü, kechiaser paia iba sempet angutsü pa dak langa lir ta jembia aru aser tang hopta

ang Gaza Strip nung pa indang ceasefire sentong ka agizük.

Iba sempet asoshi Trump-i asayaba aser pa asoshi asayatsüba indang asüngdang dang, "Iba committee yagi campaign, media attention tabu balala nguogo. Küm shia iba sempet atema shiti meyirijang sa meyirijang onoki angur," ta Frydnes-i ashi.

"Taoba mapang iba sempet angur indang noksa agi sünga aliba takdang ka nung iba committee amener, aser iba takdang ya sünga tasü tait aser ochi lir. Anungji Alfred Nobel mapa aser pai mulungba nung ajemdaker onoki telemtetba agir."

Taoba küm iba sempet ya Japan nunger atomic bomb pokloktsüba nungi takum kumzüker asoshi grassroots movement, Nihon Hidankyo nem agütsü, shirnoki nuclear nok-nü amshiba ya meshi ama kumdaktsütsü asoshi küm aika inyaka aru.

Küm shia agütsüba Nobel prizes rongnung peace prize ya dang Oslo, Norway nung agütsür.

Sweden yimtiba, Stockholm nung Hombarnü medicine indang sempet agütsüogo, Mongulbarnü physics indang, Bodhbarnü chemistry indang aser Brehostibarnü literature indang agüja lir. Economics indang sempet angur ya Hombarnü sangdongtsü.

25th NSF MM Trophy: Chedema VYO semifinals tongogo



Kohima, Mongputeni/Oct. 10 (TYO): Hokulbarnü Chedema Village Youth Organization-i taoba champions Tangkhul Katamnao Saklong (TKS) madak takok ngua 25 buba NSF Martyrs' Memorial Trophy semifinals tongogo.

Indira Gandhi Stadium Kohima nung mezüngbuba quarter-final asayaba nung asayar timtiba taa agütsür asayadaksüba Chedema Village Youth Organization-i 2-

1 agi TKS madak takok angu. Asaya tenzüker minute 11 buba nung Chedema VYO atema mezüngbuba goal ya Robinson-i agütsü aser minute 28 buba nung T. Zimik-i tanabuba goal ya agütsütet.

Manipur nungi adoka asayar TKS telokia kanga meranga asaya aser minute 34 buba nung Rungsing Muinao-i goal ka ya agüja liasü.

Ajisüaka lemon break sülen telok katia alakteta masayateti iba asaya tembang.

Chedema VYO nungi Benjamin nem Player of the Match sempet Tribunal, Angami Students' Union aser Angami Students' Union taoba tir Vizokho Zashümo-i agüja liasü.

Iba asaya nung match patron ama Deputy Commissioner, Kohima, B. Henok Buchem dena liasü.

October 11 nikongdang 4:30 ako nungi tanabuba quarter finals ya Red Scars aser Sechü Zubza FC asayatsü.

Asia Cup tang tashi Dubai nung shibanga lir

New Delhi, Mongputeni/Oct. 10 (Agencies): Asian Cricket Council tekolakba Mohsin Naqvi ket nungi India-i agizüksü memulungba yong Asia Cup tang tashi ACC indang Dubai headquarters nung yua lir aser Chairman temelaba makai mebelentsü mesüra magütsütsü totuyuba agüja lir.

Sempet agütsüba sentong nungi iba marok ya bener Naqvi ayazüka aoba sülen marok ya tang tashi ACC office nung lir.

Ibai Indian team-i pa ket nungi agizüksü memulungba yong lir.

Naqvi ya Pakistan Cricket

Board (PCB) Chairman aser par linük nung Interior Minister lir, aser Pahalgam nung kiralongrar temi amakba sülen India-Pakistan tsünga mangatettep tali akum.

"Tanü tashi trophy ya Dubai nung ACC offices nung lir aser pa nungi temelaba makai mesüra pa melie mebelentsü mesüra magütsütsü Naqvi nungi totuyuba tejangja agüja lir," ta osang ka ajanga ashi.

"Kodang südir Indian team mesüra BCCI nem pai dang iba trophy amoktsütsü ta Naqvi-i teinyaktsü tejangja agüja lir," ta osang ajanga ashi.

Naqvi-i pa indang social media sapang nung yimtenren tsütsü sangdong balala agüja arur.

Pa trophy den ayazüka aoba asoshi BCCI mepelar aser iba ken o taruba ita ICC senden nung benoktsü telemtetba agiogo.

"Iba yagi PCB mesüra Naqvi atema tarutsü nung timtem alitsü ama ajiteter, kechiaser Indian team nem trophy ya pai agütsütsü ta tekong meranga nokdaker aser iba asayamung ayonger BCCI dangi yoktsüa memulunger," ta osang ajanga ashi.



Mokokchung District Football Association (MDFA) ketdangpur aser Dr. T. Ao Trophy organizing committee pur densema hotel Japfü Kohima nung Kohima Aor Telungjem president, T. Chubayanger-i Dr. T. Ao Trophy 2026 atema poster sayatsüba mapang tangokba noksa nung angur. Kohima, October 10, 2025.

1 buba Lt. Toshi Wungtung Memorial Football Tournament tenzüko

Dimapur, Mongputeni/Oct. 10 (TYO): Shamator jila nung mezüngbuba Lt. Toshi Wungtung Memorial Football Tournament 2nd Zonal Tournament ama October 10, 2025 nü tenzüko. Mezüngbuba Zonal Tournament ya Chessore jila nung agi, kong Chessore Zone kübok Kuthuru Village-i takok ngua liasü.

Iba asayamung tenzüko sentong nung Yimkhiung Akherü Arihako (YAA) indang taoba tir aser Shamator District Football Association (SDFA)

tatong tir Solumba Yimkhiung-i asayartem dang football tongtipang akumba indang lemsatop aser district telungzüknung ayongzüko football asayamung ajanga pei district indang Football Association nungi jelia temelaba agitsüla ta ashi.

Pai asayar ajunga dang AIFF/NFA rules ama CRS nung tenüng zülüoktsü ayongzüknung asayartem dang team spirit alitsü, yimya tajung amshitsü aser meranga inyaktüsü ajungshia liasü.

STATE OSANG :

Tapak 2 nungi...

Chümoukedima DPDB...

Iba senden nung board-i Nagaland State Pedal Association; Chumoukedima Two-wheelers Taxi Association; GHSS Singrijan nung Multi-disciplinary courses inoktsü; GHSS Singrijan nung Commerce stream tenzüoktsü, Excise Department Office, Chümoukedima yanglutsü aser Sirhi Angami Village nungi Medzhiphema 'A' Vallage ta melentsü indang jembia agizüker sorkar dangi abentsü lemtet.

District Agriculture Officer, Moainla Pongen ajanga PowerPoint presentation agütsüba mapang Chümoukedima District

kübok RKVY (Rashtriya Krishi Vikas Yojana; Rain fed Area Development (RAD); SMAM (Sub- Mission on Agriculture Mechanization); (POMIC) Per Drop More Crop; Krishonnati Yojana (KY); (ATMA) Agriculture Extension; (NFSNM) National Food Security & Nutrition Mission; (NMEO-OS) National Mission on Edible Oil- Oil seed; (NMEO-OP) National Mission on Edible Oil- Oil Palm; (MOVCD- NER) Mission Organic Value Chain Development for NER; PM-KISAN amala scheme aser inyakyim balala indang lemsatapa liasü.

Video Consultation of Tele...

Iba sentong nung aoksaba, mangyimba, jembidang, "Access to Services-Mental health in catastrophes and emergencies" omen nung alima ajunga den külemi World Mental Health Day 2025 amunger, ta Tainiu-i ashi.

Omen yagi koda masü timtem mapang mental health tajungba nung yaritsü nüngdakba indang ashir, ta lai ashi.

Mental health tebilemstü indang awareness agütsütsü nükjidong nung World Mental Health Day ya October 10, 1992 nung mezüng munga liasü ta ashi.

Rara, pandemics, alimar lendong aser lokti anisüngzüknung maliba nungi tenzüka alima nung 'humanitarian emergencies' tali akumer. Iba ama mapang nung nüburtem

tebilemstü akaba, amoa maoba amala ajurur, koba ajanga temang shi nung kongshiba kisung masü saka tekolok nunga zübu yutsür, ta lai ashi.

Ajisüaka tekolok anema alitsü asoshi anepaluba mali, mezüngshir aser emergency response indang components nunga sen peria magütsür. Anungji World Federation for Mental Health (WFMH) ajanga timtem mapang yahriteptsü asoshi ayongzüker.

2025 campaign ajanga sorkar, NGOs aser health systems dang alima lendong timtem asoshi renemshia alitsü, telangzüba agütsütsü aser taneptsü agütsütsü asoshi mental health nung temulung agütsütsü ajungshir, ta ashi.

BILEMDANGANG

"Shinga nema memetetdaksüi yariba ya jenjang kanga tulu lir."